

**FAN, TA'LIM, TEXNOLOGIYA VA ISHLAB CHIQARISH  
INTEGRATSIYASI ASOSIDA RIVOJLANISH ISTIQBOLLARI  
NOMLI III ILMIY ONLAYN KONFERENSIYA**

**CHET TILINI O'RGANISHDA MALAKA VA KO'NIKMALARINI  
RIVOJLANTIRISH USULLARI**

**OSIYO XALQARO UNIVERSITETI O'QITUVCHISI  
MIRZAYEVA MUHAYYO RO'ZIYEVNA**

**OSIYO XALQARO UNIVERSITETI 2-BOSQICH TALABASI  
IBODULLAYEVA MARJONA ZAFAR QIZI**

**Annotatsiya:** *Mazkur maqola o'qish va eshitib tushunish malakalari ayrim-ayrim olingan til ishoralarida emas, balki bog 'langan yozma va og'zaki nutq namunalarida – yozma yoki ovoz yozilgan mavzularda shakllanishi mumkinligi va chet tillarini o'rganish jarayoni yanada takomillashgan ayni bir paytda chet tilini o'qitishning mazmuni talabalarning og'zaki nutq, o'qish, yozish va tinglab tushunish malaka va ko'nikmalarini rivojlantirish hodisalari tahlil qilingan.*

**Kalit so'zlar:** so'z boyligini sintez qilish, tushunish, til signallari, gapirish, o'qish, yozish, tinglash, ko'nikmalar, qobiliyatlar, murakkablik, hodisa, aloqa tahlili, jarayonlar

Hozirgi chet tillarini o'rganish jarayoni yanada takomillashgan ayni bir paytda chet tilini o'qitishning mazmuni talabalarning og'zaki nutq, o'qish, yozish va tinglab tushunish malaka va ko'nikmalarini o'stirishdan iboratdir. Og'zaki nutq va o'qish shakllanadigan tematikani hisobga olmay, til materiali xususiyatini aniqlash, shuningdek, malaka va ko'nikmalarni oshirish murakkab hodisalardan hisoblanadi. Bu maqsadni amalga oshirish uchun alaoqa jarayonlarining tahliliga murojaat etamiz. Til ishoralari ishtirokida amalga oshiriladigan har qanday tildagi aloqa muayyan axborot, ma'lumot olish va berish maqsadini ko'zlaydi, shuning uchun ko'pgina modellar va so'zlarni ularning mazmuniga qarab, fikr yuritilayotgan mavzuga muvofiqlashtirib muayyan guruhlarga ajratish mumkin [1]. O'z ona tilisida barcha mavzularga doir axborot berib, axborot olish hamma uchun ham oson emas, albatta. Kishi aloqa olib bora oladigan mavzularning miqdori uning hayotiy tajribasi, ma'lumoti, ilmiy darajasi, unvoni kabilarga bog'liq.

Shunga ko'ra, chet tilida aloqa qilishga o'rgatishda aloqa mavzularini hisobga olmay bo'lmaydi. Butun bir qator ishoralar faqat muayyan mavzuda aloqa qilishda qatnashishi, shuningdek, chet tilini o'rganishga ajratllgan vaqtning

# FAN, TA'LIM, TEKNOLOGIYA VA ISHLAB CHIQARISH INTEGRATSIYASI ASOSIDA RIVOJLANISH ISTIQBOLLARI NOMLI III ILMIY ONLAYN KONFERENSIYA

cheklanganligi hisobga olinadigan bo'lsa, bu o'quv fanini o'qitishda o'qish olib boriladigan mavzular doirasini aniq belgilash zarurligi ayon bo'ladi. Aytilganlardan o'qitishning mazmuniga og'zaki nutq va o'qish mavzulari kirishi kerakligi ma'lum bo'ladi.

O'qish va eshitib tushunish malakalari ayrim-ayrim olingan til ishoralarida emas, balki bog'langan yozma va og'zaki nutq namunalarida – yozma yoki ovoz yozilgan mavzularda shakllanishi mumkin. Tajribadan ma'lumki, matnlarni tanlash va ularning xususiyati o'qish yoki eshitib idrok etish malakalari xususiyatiga katta ta'sir qiladi. Bulaming barchasi yozma yoki ovoz yozilgan matnlarni ham o'qitish mazmunining tarkibiy qismi tarzida qarashga majbur etadi. Kezi kelganda shuni aytish kerakki, metodika bo'yicha chiqarilgan barcha qo'llanmalarining mualliflari chet tili o'qitishning mana shu xususiyatiga asoslanib, matnlarni o'qitishning mazmuniga kiritmoqdalar [2].

Chet tili o'qitish mazmunining yana bir tarkibiy qismi milliy tillarda bo'lmagan muayyan til tushunchalaridan iboratdir. Ma'lumki, turli til tizimlari turlichadir, ularda har bir tilga xos bo'lgan grammatik va leksik hodisalar mavjud. Masalan, rus tilida barcha maktablarda o'r ganiladigan G'arbiy Yevropa tillariga xos bo'lgan artikl degan grammatik hodisa hamda uni aks ettiradigan grammalik tushunchaning o'zi yo'q. Bu hodisani, uning nutqda qo'llanilishini o'r ganish jarayonida o'quvchilarda artikl haqida aniq tasavvur shakllanadi. Til materialini o'r ganish jarayonida o'quvchida o'r ganilayotgan tilga xos bo'lgan qator tushunchalar shakllanadi. O'qitish mazmunini belgilab olar ekanmiz, tabiiyki, o'quvchilarda shakllanadigan tushunchalarni ham nazarda tutishimiz kerak bo'ladi. Aytilganlardan o'r ganilayotgan tilga xos bo'lgan, biroq milliy ona tilida bo'lmagan muayyan tushunchalarni ham o'qitish mazmuniga kiritish maqsadga muvofiqligi ayon bo'ladi.

O'qitish mazmunining tarkibiy qismlarini aniqlagach, bu mazmunni tanlashimiz zarur bo'ladi [3]. Metodika tarixi mobaynida o'qitish mazmunini tanlash masalalari umumiylar tarzda emas, balki mazmunning ba'zi qismlariga nisbatan. birinchi navbatda lug'atga nisbatan hal etilganini uqtirish qiziqlaridir, chunki o'qitish mazmunining ana shu qismida til ishoralari ayniqsa, ko'p bo'ladi. XIX asrning oxiri XX asrda tilshunoslikning barq urib rivojlanishi munosabati bilan chet tilini o'qitish mazmunini tanlash muammosi, ayniqsa, avj oldi. XX asrda grammatik material va matnlar tanlashga urinib ko'rishlar sodir bo'ladi. Ana shu davrda o'qitish mazmunini tanlashning ba'zi umumiylar masalalari, jumladan, "passiv" va "aktiv" til materialini tanlash muammosi hal qilina boshlaydi. Shunday qilib, o'qitish mazmunini tanlash muammosi dastlab

# **FAN, TA'LIM, TEKNOLOGIYA VA ISHLAB CHIQARISH INTEGRATSIYASI ASOSIDA RIVOJLANISH ISTIQBOLLARI NOMLI III ILMIY ONLAYN KONFERENSIYA**

mazmunning ba'zi qismlariga nisbatan hal etilib, keyinchalik esa umumiyo  
yo'sinda tadqiq qilina boshlaydi.

Og'zaki yoki yozma fikrdan axborot olishda esa holat o'zgacha bo'ladi. Bu  
o'rinda aloqa qatnashchisi aloqa jarayonida hamrohi izmida bo'ladiki, bu  
hamroh tinglayotgan yoki o'qiyotgan kishiga biror til ishorasini go'yo  
majburan qabul qildiradi. Ko'p kishilar bilan aloqa qilib turishimiz sababli  
fikrni tushunish uchun axborot berish bilan birga til ishorasi yig'indisini  
bilishimiz kerak. Til kommunikatsiyasining bu xususiyati faqat chet tilidagina  
emas, balki ona tilida ham kuzatiladi. Masalan, A.A.Bulakovskiy rus (ona)  
tilida biz tushunadigan "passiv" leksika mavjud, ammo biz undan o'z  
nutqimizda deyarli foydalanmaymiz, deb ko'rsatadi [4]. Aktiv leksika o'z  
fikrini bayon etish uchun zarur, passiv leksika esa o'zgalarning fikrini bilib  
olish uchun zarur bo'lib, til materiallarini farq qilish yig'indisi ancha  
cheklangan miqdorda bo'lganligi chet tili uchun, ayniqsa, muhimdir; ona tiliga  
nisbatan chet tili ishoralari uchun ham bu farq ancha ravshan ko'rinadi.

So'nggi paytlarda chet tillarni o'qitish metodikasida og'zaki nutqni o'stirish  
uchun so'zlardan ancha katta bo'lgan birliklar – modellar tanlana boshlandi.  
Modellar aloqa jarayonida qatnashadigan leksik, fonetik va grammatik  
ko'rsatgichlar sintezidan iboratdir. Ularni tanlash va bularga muvofiq butun  
o'qish jarayonini tashkil etishning talay afzalliklari bor, chunki bu jarayon  
leksika, grammatika, fonetikani ilgarigidek alohida-alohida emas, balki hozirgi  
kun davr talabi asosida uzviy ravishda o'qitish imkonini beradi.

Chet tillarini o'qitish mazmuni leksik, grammatik va fonetik materiallarni bir  
butun uyg'unlikda; og'zaki nutq (speaking), o'qish (reading), yozuv (writing)  
va tinglab tushunish (listening) malaka va ko'nikmalanni; bu to'rt ko'nikmaga  
oid mavzularni, shuningdek, ona tilida bo'lmagan hamda har bir chet tilida  
bo'lgan o'ziga xos til tushunchalarini ichiga oladi. O'qitish mazmunining turli  
tarkibiy qismlarini tanlash bir xil darajada bo'lishiga erishish lozim. Leksik  
materialni hamda matnlarni tanlash, malaka va ko'nikmalar, shuningdek,  
mudllarni yanada takomillashtirish masalalarini yanada mukammallashtirish  
lozimligini davr taqozo etmoqda. O'qitishning mazmunini belgilaganda,  
qo'yilgan maqsadlarni amalga oshirish uchun ham tanlangan o'qitish  
maqsadining yetarliligini, muayyan aniq shart-sharoitda uni o'quvchilarning  
bilib olishlarini, imkoniyatlarini nazarda tutish lozim.

## **FOYDALANILGAN ADABIYOTLAR:**

1. Gruzinskaya I. A. Metodika prepodavaniya angliyskogo yazika. M., 1989;

**FAN, TA'LIM, TEXNOLOGIYA VA ISHLAB CHIQARISH  
INTEGRATSIYASI ASOSIDA RIVOJLANISH ISTIQBOLLARI  
NOMLI III ILMIY ONLAYN KONFERENSIYA**

2. Sherbovskiy Z. Sh. Obucheniye ustnov rechi i chteniyu na inostrannom yazike.  
M., 2002;
3. MIRZAYEVA M. R.. MADATOVA M. DIALOGUE TRAINING AS ONE OF THE FORMS OF EFFECTIVE PEDAGOGICAL TECHNOLOGIES IN TEACHING FOREIGN LANGUAGES //E-Conference Globe. – 2021. – C. 244-249.
4. A.A. Булаховский. Некоторые приемы развития устной речи. М.,2004.
5. Vodneva S.M. Fizkulturnie pauzi na urokax inostrannogo yazika. M., 2001.
6. A.A.Bulakovskiy. Nekotorte priyemi razvitiya ustnoy rechi. M., 2004.